

Na osnovu člana 16. stav (1) i člana 17. stav (2) Zakona o Vladi Hercegovačko - neretvanskog kantona („Službene novine HNK“, broj: 3/07, 5/09) i na osnovu člana 28. stav (6) a u vezi člana 62a) Zakona o koncesijama Hercegovačko - neretvanskog kantona („Službene novine HNK“, broj: 1/13,7/16 i 6/18), Vlada Hercegovačko - neretvanskog kantona je na 96. sjednici, održanoj 15.1.2019. godine, donijela

**ODLUKU
O DODJELI KONCESIJE
ZA OBAVLJANJE ELEKTROPRIVREDNE DJELATNOSTI
PROIZVODNJE, PRENOSA I DISTRIBUCIJE ELEKTRIČNE ENERGIJE
ZA ELEKTROENERGETSKI OBJEKAT FOTONAPONSKE ELEKTRANE
SOLAR-RAMA, SNAGE 135 kW - OPĆINA PROZOR - RAMA**

I

Vlada Hercegovačko - neretvanskog kantona kao koncesor, dodjeljuje koncesiju za obavljanje elektroprivredne djelatnosti proizvodnje, prenosa i distribucije električne energije za elektroenergetski objekat fotonaponske elektrane „SOLAR-RAMA“, snage 135 kW - Općina Prozor-Rama, koncesionaru - Fotonaponska elektrana „SOLAR- RAMA“, vlasnik Slavko Žilić, Matkovići bb, Prozor-Rama.

II

(1) Predmet koncesije iz tačke I ove Odluke je elektroenergetski objekat fotonaponske elektrane „SOLAR-RAMA“, snage 135 kW-Općina Prozor-Rama, izgrađen na parceli označenoj kao k.č. br. 357 i 356 novog premjera (po položaju odgovara k.č. 18/103/3, popisanog katastra zemljišta upisana u p.l. br. 463) k.o. Proslap, u mjestu Proslap općina Prozor-Rama.

(2) Lokacija iz stava (1) ove tačke obuhvaćena je koordinatama

Tačka	KOORDINATE	
	X(m)	Y(m)
1	6 459144.09	4847845.18
2	6 459145.74	4847879.55
3	6 459152.47	4847925.72
4	6 459093.60	4847899.81
5	6 459060.17	4847903.52
6	6459042.80	4847869.22
7	6459078.04	4847846.90
8	6459098.85	4847830.83

III

(1) Koncesija se dodjeljuje na period od 15 godina od dana početka korištenja koncesije.

(2) Rok trajanja koncesije počinje teći od dana zaključenja ugovora o koncesiji.

(3) Koncesija prestaje istekom petnaeste godine od dana početka korištenja koncesije.

IV

- (1) Prava i obaveze koncesora i koncesionara precizirat će se ugovorom o koncesiji koji će, uz prethodnu saglasnost Vlade i pribavljeno mišljenje Kantonalnog javnog pravobranilaštva, u ime koncesora s koncesionarom potpisati ministar privrede HNK.
- (2) Krajnji rok za potpisivanje ugovora iz stava (1) ove tačke je 60 dana od dana konačnosti ove Odluke.
- (3) Eventualne izmjene i dopune ugovora o koncesiji, te raskid ugovora o koncesiji ukoliko za to nastanu zakonski uslovi, vrši se na isti način i postupak kao kod zaključenja ugovora.

V

- (1) Jednokratna koncesiona naknada iznosi 435,12 KM.
- (2) Tekuća (godišnja) koncesiona naknada je:
 - koncesiona naknada za korištenje obnovljivih izvora i obavljanje djelatnosti (TKNd) koja se obračunava prema formuli:
$$\text{TKNd} = 0,03 \times \text{GPB} \times 0,05 \Sigma B$$
- (3) Sredstvo obezbjeđenja za izvršavanje obaveza plaćanja jednokratne i tekuće (godišnje) koncesione naknade, je безусловna bankarska garancija za svaku vrstu naknade posebno, i to u vrijednosti iznosa ovih naknada, a ugovorom o koncesiji pobliže će se propisati ova obaveza koncesionara, kao i rokovi za dostavu ovih garancija, te posljedice neizvršavanja obaveze plaćanja ovih naknada.

VI

- (1) Koncesiona djelatnost obavljat će se na način i pod uslovima propisanim svim zakonskim propisima koji regulišu oblast izgradnje energetskih projekata ove vrste i Zakonom o koncesijama Hercegovačko - neretvanskog kantona, kao i na osnovu rješenja datih u Studiji ekonomske opravdanosti-prikaz generalnog projekta i tehničko –tehnoloških rješenja.
- (2) Zakonski propisi i standardi koji regulišu pitanja prostorno planiranje, vodoprivrede i zaštite na radu, su također obavezujući za koncesionara.

VII

Ugovorom o koncesiji obavezno će se propisati i slijedeće obaveze:

- a) da se koncesionar obavezuje, na svoj trošak i na svoj rizik, ishodovati sve dozvole/saglasnosti koje su propisane posebnim zakonima koji regulišu oblast, prostornog planiranja, vodoprivrede i zaštite na radu, ukoliko postoje zakonske obaveze i uslovi za to ishodovanje i kopije istih dostaviti koncesoru u roku od 15 dana po pravosnažnosti.
- b) da će se ugovor o koncesiji raskinuti pod uslovima predviđenim Zakonom o koncesijama, kao i ako koncesionar tri godine za redom proizvede na godišnjem nivou manje od 20% od planirane godišnje proizvodnje električne energije;
- c) da je za nadzor nad ostvarenjem koncesije nadležno Ministarstvo privrede ili lice koje ministar privrede ovlasti, kao i Ministarstvo finansija za nadzor nad ispunjenjem finansijskih obaveza;
- d) da se dodijeljena koncesija može prenijeti na drugo pravno lice u skladu sa Zakonom o koncesijama;
- e) sve druge odredbe propisane članom 32. Zakona o koncesijama Hercegovačko – neretvanskog kantona, kao i one koje su od značaja za predmetnu koncesiju.

VIII

Nezadovoljni učesnik postupka za dodjelu koncesije može, u roku od 15 dana od dana objavljivanja ove Odluke, Vladi Hercegovačko - neretvanskog kantona podnijeti zahtjev za preispitivanje Odluke u skladu sa članom 29. Zakona o koncesijama Hercegovačko - neretvanskog kantona.

IX

Odluka stupa na snagu danom njene konačnosti, a objavit će se u „Službenim novinama Hercegovačko - neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
V L A D A

Broj: 01-1-02-114/19
Mostar, 15.1.2019. godine

P R E D S J E D N I K
dr. sc. Nevenko Herceg